

萬有文庫

第二集七種

王雲五主編

元詩紀事

(三)

陳衍輯

商務印書館發行

元詩紀事

(三)

韓衍陳

國學基本叢書



FUDAN JP20000034367G 复旦图书馆

元詩紀事卷十四

丁復

復字仲容天台人延祐初游京師與楊載范梈同薦入館閣不果有檜亭稿

李孝光檜亭集跋至建業見仲容已五十餘其詩皆已絕去生獮操鑒精悍猶之宛馬不蹏不歸不羈而日行千里既老買宅建業之城北南戶故有兩檜樹醉依樹而吟哦因自名其什曰雙檜亭詩云

李桓檜亭詩墓序地既深僻有園亭之勝古檜列植左右客至款坐亭上壻饒介之方集君詩得若干首爲一編精麗奇偉格超而趣遠余識君於十年前當是時君詩酷類太白雜而真之集中見者不復能辨今其體稍變將自爲一家楊嗣檜亭續集序詩必因酒而作引觴揮毫若不經意而語率高絕飲至半酣詩愈益奇而先生亦頽然醉矣然往往卽書卷上未嘗起草故詩雖多藁皆不存

夏日過龍翔寺養蒙室空閒瑤元朴書記因讀鄭明德詩就韻奉贈

新竹滿牆雨西隣留老翁上人虎邱虎作客龍河龍及室每愛玉樹好住屋少隔銀杏東日不得見夜作夢時一過之但恐空百年共秋草兩間同轉蓬昨日之日我髮亦已白明日之日子顏寧復紅衆皆上我

岡下。宗石胡盧誰售價。花綠樹茂煖爲冬。葉爲松高寒入夏。南風西來卽是秋。高歌且爾鏘鳴球。一蝸舉世兩門國。六鼇何處三山洲。須君界發白毫相。放我江湖之客舟。我年五十九知命。我自信之誰與證。君今語我我卽聞。我且語君君乃聽。佩犀得園一畝耕。煮菜作羹全無成。何如寧戚扣牛角。長歌夜夜迫天明。

草堂雅集。李五峯題此詩云。初讀新竹滿牆雨。謂知馮海粟。及讀至一蝸舉世兩門國。六鼇何處三山洲。大以爲好。老賊胡不死。

題程先生西行集。程年七十餘歸蜀。改葬父母。

峽東水如箭。已行船上天。亂離蕪葬後。衰老種歸地名邊。手把西行集。心追北上年。東風故山淚。落日灑江煙。

稍亭集自注。大德丙午旱。明年浙東饑。僕因北上。茲有感焉。

九月一日遊昭亭。在宣州。

山色江光帶近郊。道旁楊柳舞寒條。半生九日黃花酒。多在門口白下橋。千里客遊仍暮景。疑鄉人事又今朝。老來未遣登臨嬾。盡醉東家綠玉瓢。

詩藪全篇整麗。首尾勻和。

醉歌贈雲心子陸華之。

雲心子陸農師之子。孫老來賣卜錢唐門。搜元挾微壁泥淪。進退五緯扶兩輪。皤父及芒兒。束手就律呂。

不敢差毫分。前身定是張博望。老樹倒騎上峴崙。投杼機上女。飲牛河畔人。與之細說天地根。卻來人世三千歲。君平朽骨呼不聞。功名富貴無足云。祇談禍福開盲昏。得錢沽酒和天吞。赤城有狂客。十年江海看浪翻。歸來黃塵中。拭目驚見君。抵掌一長笑。各拂頭上巾。別時綠髮潤可染。祇今雪鬚纒吳盆。少者忽已老。老者不復存。政須日日醉倒湖邊尊。尊已倒。還可酤。不愁黃金盡。但恐清旦無。舉手招羲和。低頭喚天吳。勸爾勿東逝。止爾勿西徂。西徂不可止。東逝無時已。囑付酒家兒。明當復來此。

西湖志。元時陸華之。錢唐人以賣卜馳名。且通文學。縉紳多與之友。大旨丁仲容贈之歌云。應夢一作文虎。

夢虎字彥文。黃巖人。

梅魂

禹廟歸來骨已蠹。風林月落見靈形。玉龍一曲香隨返。彩鳳三招夢未醒。弔影西湖雲樹黑。斂妝東閣土花馨。莫誇賦客心如鐵。楚些淒酸可忍聽。

浙江通志。嘗游京師。賦梅魂詩。廣集楊載見之。亟加歎賞。稱爲應梅魂。黃潛薦之不起。人高其行。于文傳。

文傳字壽道。號止齋。平江吳人。中延祐會試乙科。官至禮部尙書。有仁里漫藁。

題水村圖

桑梓未能忘楚甸。吾書久已寄吳門。悠悠江海風煙隔。知是夕陽何處村。詳錢仲鼎下。

洪震老

震老字復翁，淳安人。延祐中領鄉薦，官州學正。學者稱石岑先生。

句

通都大邑人爭馳，一泉一石小亦奇。雲深路絕無人處，縱有佳山誰得知。

升庵詩話：元遺山北嶽詩：東州死愛華不注，向在陋邦何足數。敬亭不著謝宣城，斷岸何緣比天姥。言山水在通都易得名也。洪震老元人，淳安東泉山詩云云，言山人在僻遠，人不知也。二詩意絕相類，亦名言也。

辛鈞

鈞字門口，東平路人。延祐間知單州，官至嶺南廣西道肅政廉訪使。

遺直軒詩

一家兄弟兩詩仙，同在轡邦豈偶然。今日開軒見遺像，當時美政亦相聯。

山堂肆考：遺直軒在雷州西湖，近蘇公樓。元辛鈞詩云云。

陳繹曾

繹曾字伯敷，門口人，官國子助教。

案元史列傳云：處州人，而靜春堂詩集後序自稱吳興陳繹曾。

句

處士近來恩例別，麻鞋一對當蒲輪。

山居新話因話錄云：昔有德晉，搜訪懷才抱器不求聞達者。有人逢一諸生，奔馳入京，問求何事。答曰：將應不求聞達科。因念延祐間陳伯敷釋曾到都，每見晦跡邱園者，數多奔競，遂有云云之譏。

韓信同

信同字古遺，寧德人。延祐四年，應鄉舉不合，歸。

題岳王墓

妖星墜地芒角赤，劍龍悲吼國蕭瑟。中原王氣挽不回，將軍一死如毛擲。秦家小兒真戲劇，播弄造化搖樞極。指讎爲親忠且逆，隻手上遮天眼碧。九重雲霧隔天日，無由下燭臣愚直。臣愚萬死不足惜，國恥未湔猶憤激。古墳埋冤血空漑，風雨年年土花蝕。我恐精忠埋不得，白日英魂土中泣。請將衰骨斲出荒苔痕，獻作吾王補天石。

筆情古今題岳王墓者多矣，元季韓古遺一篇，岳集未收，差有溫李之調。詩云云。

汪澤民

澤民字叔志，婺源人。登延祐戊午進士第，官至禮部尚書，致仕。長槍賊起，被執不屈死，諡文節。有宛陵遺集。

罵賊

江城欲破竟何爲。獨有孤臣謹自持。罵賊肯教雙膝屈。忠臣不顧一身危。

元詩選長槍賊攻寧國城陷被執大罵不屈爲詩云云遂遇害。

句

及瓜當此日行李似來時。

梧溪集嘗推官平江任法恕允獄多平反垂代題春帖云云迄今爲寶錄。

吳萊

萊字立夫浦陽人延祐七年有司以春秋薦下第後薦爲書院山長未行卒私謚淵穎先生有淵穎集。

淵穎集附錄宋濂撰碑文初盛夫人懷娠始七月翰林公夢西域神人飛空而來直止夫人之寢越翼日先生遂生因名曰來七歲巖南先生方公鳳見而奇之曰此邦家材也取南山有臺詩中語更今名。

宋學士集東經齊魯梁楚之郊北抵燕每遇中原奇絕處昔人歌舞戰爭之地貫酒高歌自謂綽有司馬子長遺風游海東洲歷蛟門峽過小白華山登盤陀石著觀日賦以見志至元六年先生年四十四棲遲衽席忽夢作童汗跡贊覺謂人曰汪騎鵲者也今歲殆不起耶竟卒於家當其賦詠捷如風雨一日於故人家見儿上堆剗紙數十番戲爲長歌頃刻而盡屬對嚴巧文采絢麗觀者驚以爲神。

浦陽人物記。族父幼敏。家多書。私取讀之。幼敏竊窺。漢書也。指谷永杜鄴傳。謂曰。能誦貨汝。則立夫琅然誦之。三易他編。皆如初。方鳳見而歎曰。汝南應世叔。不是過也。晚自號深衷山道人。人因稱深衷先生。

淵穎先生集。胡翰序。其擬論日本書。蓋其十八時所作也。人謂其有終軍王褒之風。

林泉隨筆。吳立夫論倭書。規模倣司馬相如。論蜀文。其末所述論其王之言。雖古之辨士。莫能過也。其他大游觀日雨賦。與夫形釋泰誓論。補牛尾歌辭等篇。皆雄深卓絕。

詩藪。吳立夫學朴。大篇氣骨可觀。而多奇僻字。

西域種羊皮書。游歌寄李仲羽

波斯谷中神夜語。波斯牧羊俱雜虜。當道剝刀羊可食。土城留種羊脛骨。四圍築場聞杵聲。羊子還從脛骨生。青草叢抽臍未斷。馬蹄踏鐵繞垣行。羊子跳踉卻在草。鼠王如拳不同老。飮肉逢開塞。饌肥裁皮擣作書林寶。南州俠客遇西人。苦得手擗今無倫。君不見冰蠶之錦欲盈尺。康洽年來貧不貧。

樂郊私語。楚石大師爲沙門尊宿。嘗從上都。有漠北懷古諸作。余嘗讀其自言羊可種。不信爾成絲之句。疑以爲羊可種乎。因以問師。師曰。大漠進西俗。能種羊。凡屠羊。用其皮肉。惟留骨。以初冬未日。埋着地中。至春陽季。月上未日。爲吹笛呪語。有子羊從土中出。凡埋骨一具。可得羊數隻。此蓋四生胎外之化也。亦不足怪。特非中國所有。致生疑耳。後讀浦江吳立夫西域種羊皮書。游歌云云。此又云以脛骨種之。與琦師目見之者不同也。蓋波斯國別有種法。如吳詩所云耳。

題趙大年林塘秋晚圖

老景青黃筆底收，晴鳬冷雁共汀洲。王孫畫學空花竹，不到銅駝陌上秋。

筆精元吳淵穎題趙大年林塘秋晚圖云：譏刺之意微而婉矣。

夕泛海東尋梅岑山觀音大士洞遂登盤陀石望日出處及東岩山迴過翁浦間徐偃王舊城八首
山月出天末，水風生晚寒。扁舟劃然往，萬頃相渺漫。星河白搖撼，島嶼青屈盤。遠應臺嶠接，深已雲夢吞。
蟠木繫子纜，扶桑纓我冠。寸心役兩目，少試鯨魚竿。
起尋千步沙，穹石塞行路。怒濤所攬擊，徒以頑險故。卓哉梅子真，與世良不遇。上書空雪衣，燒藥迺煙樹。
玄螭時側行，縞鶴一迴顧。從之招羨門，滄海苦多露。
茫茫瀛海間，海岸此孤絕。飛泉亂垂纓，險澗森削鐵。天香固遙聞，梵相俄一瞥。魚龍互圍繞，仙鬼驚變滅。
舟航來旅游，鐘磬聚禪悅。笑燃小白花，秋潮落如雪。
長嘯山石裂，我今有東溟。遊日出重微，率衣窮絕陁。奇氛抱珥赤，遠影摩空青。想深鳴谷水，徘徊矚龍形。
晨昏相經絡，稚耄不得寧。豈若柯斧爛，看棋了千齡。
遙觀杳無極，施與東霍鄰。悲夫童男女，去作魚鼈民。紆嶼尚餘聚，蓬山寧爾神。古棹苔駐跡，仙杵竹臥塵。
短褐徒爲拂，飛槎邈難親。好攜支機石，去躍織女津。
笑揮百川流，東赴無底壑。青天分極邊，白浪屹爲郭。弄裳或時采，椎髻亦不惡。投珠蛟人泣，淬劍龍子愕。
海宮眩鱗縷，商舶豐貝錯。盍不呼巨鵬，因風泝寥廓。

老當迴我舟。沙塢晚煙起。蒼茫魚鹽場。寂歷鼓吹里。人民悲舊王。歲月祀遺趾。終惜玉几研。不採朱弓矢。東西八駿馬。今古萬螻蛄。此事如或然。須臾會稽水。

我行半天下。始到東海隅。水落焦石出。中飛兩鸛鷀。情知瓊奇產。勢與險阻俱。在夷豈必陋。雖聖猶乘桴。吭風丹穴鳳。昆雨青丘狐。幸隨任公子。不愧七尺軀。

王邦采箋本淵穎集。按先生甬東記。梅岑山。梅子真煉藥處。山梵書所謂補怛洛迦山也。唐言小白花山。自山東行。西折爲觀音洞。洞瞰海外。巉中裂。大石壁紫黑。旁罅而兩歧。亂石如斷圭。積伏蟠結。怒潮攪擊。晝夜作魚龍嘯吼聲。又西則爲善財洞。峭石嚙足。泉流滲滴。懸纓不斷。前人海數百步。有巉土人云。曾有老僧秉燭行洞穴。且半里。山石合一竅。有光。大如盤盂。側首睨之。寬弘潔白。非水非土。遠不辨涯際。又自山北轉。得盤陀石山。巖怪益高。疊石如垤。東望官省。想像高麗日本界。如在雲霧蒼莽中。日初出。大如米筴。海盡赤。跳踊出天末。六合蔚然鮮明。及日光照海。薄雲掩蔽。空水弄影。恍類鋪僧伽黎衣。或現或滅。南望桃花馬秦諸山。嵌空刻露。屹立巨浸。如世疊太湖靈壁。不著寸土尺樹。天然可愛。東南望東霍山。山多大樹。徐市蓋駐舟此。又有沙山。細沙所積。海日照之有芒。手攬則霏屑下。漸成窪穴。潮過又補。終不少損。旁有石龍。脊白角爪。鱗鬣具。蜿蜒跨空亘三十里。舟徑其下。西轉別爲洋山。中多大魚。又北則爲胸山。偕山石闌山。魚鹽者所聚。又自北而南。則爲徐偃王戰洋。世言偃王旣敗。不之彭城而之越。棄玉几視會稽之水。望馬秦桃花諸山。羨門安期生隱處。

此去何可極。中心忽傷悲。亂山插滄海。千疊壯且奇。信哉神仙宅。而養雲霧姿。銅鑊鬼斧斲。刮濯龍湫移。坎窞森立劍。槎枒割靈旗。微涵赤岸水。暗產瓊田芝。老生今安在。方士不我欺。經過燕齊靡。出沒楚漢危。挾山作書鎮。分海爲硯池。殘花錦石爛。淡墨珠巖披。東溟地涵蓄。北極天幹維。玉鳥投已遠。桑田變難期。舊道凌波步。行折拂日枝。羽丘杳如夢。玄圃深更疑。豈無抱朴子。去我迺若遺。空餘煉藥鼎。尙有樵人知。王邦采箋本。淵穎集。按甬東記。盤陀石山。南望桃花馬秦諸山。嵌空刻露。屹立巨浸。如世疊太湖。靈壁不著寸土尺樹。天然可愛。定海縣志。安期先生祠。在昌國在馬秦山。舊傳安期生隱此。其鄉亦名安期鄉。桃花山解。見次定海候濤山。

句

虞飛馳馬埽雪擁讀書甍。

詩數元五言律可摘者。吳立夫云云。

張翔

翔字雄飛。西河人。官湖南廉訪使僉事。

至正集。張雄飛詩集序。延祐首科。列右榜者十六人。唐兀氏張君雄飛。右榜有聞者也。尤工於詩。往往喻夾人口。往章奇句。不可悉舉。僉浙東憲。過錢唐。登會稽。探禹穴。天台。雁蕩之勝。舉在心目。得江山之助。故其詩益昌而奇也。移僉湖南。過余琅璦山中。出其稿古律詩若干首。屬序其端。

岳陽樓

樓上元龍氣不除。湖中范蠡意何如。西風萬里一黃鵠。秋水半江雙白魚。鼓瑟至今悲二女。沈沙何處弔三閭。朗吟仙子無人識。騎鶴吹簫下碧虛。

升庵詩話。余昔過岳陽樓。見一詩云云。視其姓名。則元人張翥字雄飛。不知何地人也。雄飛在元。不著詩名。然此詩實可傳。同時虞伯生。范德機。皆有岳陽樓詩。遠不及也。

呂權

權字子義。娶之永康人。

句

青壁雖萬里。白雲只三尋。

黃又獻集。天歷二年。卒於家。得年三十有八。始君自齊其步中之語云云。莫知何義。至是以其年之修短驗之。若有數然。

韓性

句

性字明善。紹興人。延祐中。憲府舉爲慈湖書院山長。受而不赴。後卒。賜諡莊節先生。有五雲漫稿。月上影娥池。人在衆香國。

貞居詞。王戴隱五香圖。作圖象。墨寫梅蘭水仙山礬瑞香五品。盤屈折枝於其中。韓明善有云云一聯。

劉子郁

子郁字口口口口人延祐五年官武鄉縣尹

奉陪憲副王公謁靈潤祠

緩轡乘輿轉翠巔偶陪憲使到龍泉蒼松老柏參天色碧瓦朱甍耀日鮮救旱有靈皆樂歲爲霖無地不豐年爐煙禮罷香猶在賦就新詩萬古傳

許有干跋憲副長安王公按行武鄉聞靈潤祠雨旱有孚且見其岡陵秀拔林木叢茂借邑令劉子郁一至焉有詩記其游篇終意在子郁士者石贊等將刻諸石以爲神宇觀美介王希明來請敘噫此非欲以嚴于神而傲于上乎發剔其休使見之者有所欲其事神也嚴矣鐫刻英辭使傳之者有所息其事上也敬矣世之覽者必知之爾余獨謂有大于是者焉司憲之于郡邑有不承者則橫楚督責以作其怠有善治者則誘掖鼓舞以盡其才王公明以勇濟剛以柔通持憲之正者也其發之翰墨者余知其意不在神而有取于令之賢也取令之賢所以誘掖鼓舞俾進于後也其不在彼而在此昭昭矣余又願令之益勉于治也矣令乎其必有以副之矣若夫山川梗概則已見於詩此在所略延祐戊午五月二十日遼倅許有干識

趙雍

雍字仲穆孟類仲子以蔭守昌國海寧三州官至翰林院待制

古詩

西風聲蕭蕭。愁來如夢寐。鄉關萬里遙。兄弟何時會。遲此相見期。真以日爲歲。別來經八霜。朱顏久憔悴。人生宇宙間。名利何足計。何如雲中鶴。翱翔隨所至。

又

我居水精宮。遠游來朔方。離家近十載。兄弟遙相望。始見世情薄。紛紛名利場。富貴不可期。人生難忖量。乾坤本無私。江山歎興亡。蟬聲噪落日。露草啼寒螢。明月如有情。照我肝與腸。西風動林木。蕭然秋意涼。回首歲云暮。信美非吾鄉。展轉復展轉。愁多知夜長。

思歸

嫋嫋秋風動客懷。啾啾猿鶴苦相催。魯侯不遇關天意。臧氏焉能沮我才。萬里驅馳離鄉國。十年奔走在塵埃。吳興山水何清遠。一棹扁舟歸去來。

趙待制遺稿。延祐六年春正月。寄呈德璉姊丈一觀。冀改抹幸甚。書於大都咸宜里之寓舍。趙雍。又文徵明跋。楷行間作。轉益妍美。德璉姊丈。蓋魏公長倩王國器也。國器長於今樂府。楊鐵崖亟稱之。故此卷所書樂府爲多。豈因其所好耶。又許初跋。所書豔詞特多。或偶興爾。閒如古詩二篇。思歸一律。頗以孤忠自許。紛華是薄。而興亡骨肉之感。默寓其中。意其父子之仕當時。亦有不得已者。良可悲已。

葉森

森。字景修。錢塘人。早從貞白先生游。後登趙松雪之門。

題陳渭叟紫雲編

一度詩來一見君，只應芳杜襲蘭薰。有時寫到游仙句，繞筆秋香生紫雲。
西湖志餘陳渭叟賦詩有天然趣，隱居葛溪上。歲一來杭城中，名人勝士爭要致之，惟恐其去也。所著有紫雲編，葉森爲之類集，復題詩云云。

鄭采

采字季亮，溫之平陽人。

題復古秋山對月圖

天籟發兮月朗，山齠齠兮水繚繚。木森森兮竹簌簌，勢翻翻兮黑蟲蟲。

清河書畫舫題語甚奇，走筆錄之。

鄭瞻

瞻字天趣，永嘉人，進士官黃巖州同知。

悼亡吟二首

特寫青箋幾往來，佳人何自苦憐才。傷心春與花俱盡，啼殺流鶯喚不回。
相見愁無奈，相思自有緣。死生俱夢幻，來往只詩篇。玉珮驚沈水，瑤琴悄斷弦。傷心數行淚，盡日落花前。
春夢錄城之西有吳氏女，才色俱麗，其父早世，治命宜以爲儒家室。余今年客于洪府，一日媒姬來言，女家久擇婿，難其人。洪仲明公子戲欲與余求之，余辭云已娶。媒姬欲求余詩詞達于女氏。

余戲賦木蘭花慢一闋。一日女和前詞。附媒姬至。乃曰。吳氏之族。見此詞喜。稱文士之美。但母氏謂官人已娶而不可。然女獨廢唱迭和。意欲雖居二室。亦不辭也。有周氏子。挾財以媚母氏。母遂納其定禮。女號泣曰。父臨終命歸儒生。周子不學無術。但能琵琶耳。我誓不往。周氏因佯狂擲冠於地。母怒歐之。女發憤成疾。病且篤。母乃大悔。然女病竟無起色。未幾卒。今具錄往來詞。附於後。覽者亦必昭余之悽愴也。延祐戊午。永嘉鄭禧天趣序。丁巳歲二月廿六日。余寄木蘭花慢云云。三月一日賦詩三首云云。吳氏和云云。吳氏既終。余悼亡吟云云。

黃敏

敏字子佑。

悼吳氏

春樓珠箔捲東風。幾度偷彈淚粉紅。豔質豈期黃壤隔。香魂應逐綵雲空。解將遺事留身後。盡忘前言在耳中。杳蕊梅花俱一夢。悠悠深恨鎖幽宮。

汪子才

子才字庭材。

悼吳氏

犀心兔穎屢通津。未識嫦娥一面新。興盡故園梅已謝。情留別塢杏初春。將身輕許志雖失。在耳不忘言可遵。生死幽冥千古恨。臨風披閱爲傷情。